

Cussagl da cumün

Protocol nr. 10 da ls sezzüda dals 7 lügl 2009

S-chüsà: Giovanin Josty

Innaiver e sauaziun, aual Grond

Il geolog Matthias Merz e Marco Müller chi'd elavurescha il concept d'aua da baiver pel cumün preschaintan al Cussagl las masüraziuns da l'Aual Grond. I sun avant-man be resultats dals mais da settember 2008 fin l'avrigl 2009. Tenor quellas as poja dir fingià uossa chi's tratta d'ün sistem sensibel chi reagischa fich svelt sün müdamaints idrologics. Il Cussagl decida da cuntinuar cullas masüraziuns fin in avuost, tant chi s'ha almain datas dad ün on. Pro l'Aual Grond dessan gnir fattas amo üna jada provas cun culur per pudair eruir quant svelt cha l'aua infiltrescha e riva i'l inchaschamaint aint ils Lais da Pesch. In october po lura decider il Cussagl definitivmaing co chi'd es da proceder.

Bügl d'aua minerala in Fuschna

Il president da la fundaziun "pro aua minerala" nempe Marco Müller preschainta il proget per l'inchaschamaint da la funtana d'aua minerala in Fuschna. La fundaziun vess grond plaschair scha'l cumün pudess realisar quist proget. Il Cussagl piglia cogniziun e decida a temp ütil lasupra.

Dumeng Secchi, entrada separada plan suot il tet

Il Cussagl conceda il permiss per far üna s-chala chi serva sco entrada separada pel plan suot il tet da sia chasa in Rontsch 65 A, parcella nr. 1902.

Hermann e Brigitte Graf, fanestra nouva

Als conjugals Hermann e Brigitte Graf conceda il Cussagl il permiss per far üna fanestra nouva illa fatschada vers nord da lur abitaziun illa chasa in Sainas 140 E, parcella nr. 21.

Via d'aventüras "Flurina"

Las Pendicularas han l'intenziun da far üna via d'aventüras cun lös per posa sülla via da Naluns - Prui. Il Cussagl conceda il permiss per metter ad ir ils duos lös da far la posa sün nos territori (Funtana Merla e Prui) premiss cha l'uffizi pel svilup dal territori detta l'acconsentimaint necessari. La dumonda per fabricats dadour las zonas da fabrica vain inviada dal cumün da Scuol per tuots duos cumüns.

Via da Prui, trafichar sainza permiss

In connex cull'acziun dal veterinari chantunal per quai chi riguarda il tour oura la bescha chi nun es vaccinada cunter la lengua blava sun passats eir autos sülla via da Prui sainza avair ün permiss. Davo ün'animada discussiun decida il Cussagl da desister sün üna multa però dad admonir als pertocs cha la via manzunada saja scuondada pel trafic.

Via da Prui, permiss special

Il Cussagl conceda a la Garaventa il permiss special per trafichar la via da Prui cun ün camiun da 4 aschigls cun ün pais da 28 tonnas.

il capo: sig. Reto Pedotti

l'actuar: sig. Andri Florineth

publichà als 14/07/2009